

Ո Ր Ո Շ ՈՒ Մ

արգելադրված գույքը հարկադիր էլեկտրոնային աճուրդով իրացնելու մասին

01.10.2018թ.

ք.Հրազդան

Հարկադիր կատարումն ապահովող ծառայության Կոտայքի մարզային բաժնի ավագ հարկադիր կատարող, արդարադատության մայր Հայկ Բաբաջանյանս ուսումնասիրելով՝ 25.09.2018թ. վարույթը վարույթ ընդունած թիվ 02923424, 02923428, 02923426 և 02923405 կատարողական վարույթների նյութերը՝

Պ Ա Ր Զ Ե Ց Ի

Կոտայքի մարզի ընդհանուր իրավասության դատարանի կողմից «26» հունիս 2017թ. տրված թիվ ԿԴ/0019/02/17 կատարողական թերթերի համաձայն պետք է Դիաննա Ռուբիկի Գրիգորյանից, Ռուբիկ Իգրամի Գրիգորյանից, Շուշանիկ Խաչատուրի Գրիգորյանից և Գայանե Զավենի Դավթյանից համապարտությամբ հոգուտ <<Հայէկոնոմբանկ>>ԲԲԸ-ի բռնագանձել 4794,14/չորս հազար յոթ հարյուր ինսունչորս դոլար տասնչորս ցենտ/ ԱՄՆ դոլարին համարժեք ՀՀ դրամ, որից 4226,75 ԱՄՆ դոլարին համարժեք ՀՀ դրամը՝ վարկի հիմնական պարտքն է, 283,25 ԱՄՆ դոլարին համարժեք ՀՀ դրամը՝ տոկոսները, իսկ 284,14 ԱՄՆ դոլարին համարժեք ՀՀ դրամը՝ տույժերը: Սկսած 21.12.2016թ.-ից ժամկետային վարկի մնացորդ գումարի վրա մինչև ժամկետային վարկի սահմանված մարման ժամկետները հաշվեգրել և բռնագանձել տարեկան 21 տոկոսի չափով հաշվարկվող տոկոսի գումարները, սկսած 21.12.2016թ.-ից մինչև չվճարված ժամկետանց վարկային պարտքի գումարների փաստացի մարման օրը, բայց ոչ ավելի 365 օրից: Ժամկետանց վարկի մնացորդ պարտքի գումարի վրա հաշվեգրել և բռնագանձել ՀՀ Կենտրոնական բանկի տոկոսային հաշվարկային տոկոսադրույքի չափով հաշվարկվող տոկոսի և օրական 0.2 տոկոսի չափով հաշվարկվող տույժի գումարները: Վարկի չվճարված տոկոսների մնացորդի վրա հաշվեգրել և բռնագանձել օրական 0.4 տոկոսի չափով հաշվարկվող տույժի գումար: Դիաննա Ռուբիկի Գրիգորյանից, Ռուբիկ Իգրամի Գրիգորյանից, Շուշանիկ Խաչատուրի Գրիգորյանից և Գայանե Զավենի Դավթյանից համապարտությամբ հոգուտ „Հայէկոնոմբանկ“, ԲԲԸ-ի բռնագանձել նախապես վճարված պետական տուրքի գումարները՝ 46200 ՀՀ դրամի չափով, ինչպես նաև բռնագանձել որպես կատարողական գործողությունների կատարման ծախսերի գումար՝ 5 տոկոսի չափով :

Վերագրյալի հիման վրա և ղեկավարվելով <<Դատական ակտերի հարկադիր կատարման մասին>> ՀՀ օրենքի 28, 43 հոդվածներով և <<Հրապարակային սակարկությունների մասին>> ՀՀ օրենքի 35.1-35.4 հոդվածներով՝

Ո Ր Ո Շ Ե Ց Ի

Պարտապան Ռուբիկ Գրիգորյանին սեփականության իրավունքով պատկանող ներքոհիշյալ գույքը՝

h/h	լոտի անվանումը , նկարագիրը	գնահատման գինը	մեկնարկային գինը	գույքի քանակը
1.	<<MITSUBISHI PAJERO IO 2.0>>մակնիշի, 34 ZR 256 պետհամարանիշի, 2000թ.-ի արտադրության ամտոմեքենա, տրանսպորտային միջոցի հաշվառման վկայագիր թիվ HB 396851, SU տեսակը՝թեթև մարդատար, թափքի տեսակը՝ունիվերսալ, գույնը՝արծաթափայլ մետալիկ, նույնականացման համարը՝H67W-0201137, շարժիչի հզորությունը՝130 ձիաուժ, վազքը՝228 314, սրահը՝հասարակ, փոխանցման տուփը՝մեխանիկական, ընդհանուր վիճակը՝միջին, փոխանցման տուփը և ղեկային համակարգը ունի վերանորոգման կարիք, մարտկոցը՝լիցքաթափված, բացակայում է դիմացի թափարգելը :	1 000 000 ՀՀ դրամ	750 000 ՀՀ դրամ	1

ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ [harkadir.ajurd.am](#) միջոցով:

Հարկադիր էլեկտրոնային աճուրդի սկիզբը՝ 19.11.2018թ.:

Որոշման պատճենը ուղարկել կողմերին :

Որոշումը կարող է բողոքարկվել ՀՀ Վարչական դատարան կամ վերադատության կարգով, որոշումը ստանալու օրվանից 10 օրվա ընթացքում:

<<Դատական ակտերի հարկադիր կատարման մասին>> ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները՝ բացառությամբ օրենքով նախատեսված դեպքերի :

**Ավագ հարկադիր կատարող
արդարադատության մայրո՝**



Հայկ Բաբաջանյան

Ծ Ա Ն Ո Թ ՈՒ Թ Յ ՈՒ Ն : Յուրաքանչյուր լուտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լուտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում զետեղվում է կրկնակի հարկադիր էլեկտրոնային աճուրդի դրված լուտի մասին ծանուցումը:

Եթե աճուրդը չի կայացել գնորդ չլինելու կամ լուտի մեկնարկային գնի հավելում չկատարվելու հիմքերով, ապա հաջորդ հարկադիր աճուրդ կազմակերպելուց վաճառվող լուտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լուտի գնման գինը սահմանված ժամկետում չվճարվելու կամ առավաճառքի պայմանագիրը չստորագրելու հիմքերով, ապա լուտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լուտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լուտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

« Հրապարակային սակարկությունների մասին » ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լուտը / գույքը / չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լուտը իրեն հանձնելու վերաբերյալ գրավոր պահանջը կարող է ներկայացնել Հարկադիր կատարման ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը/լուտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լուտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո: